

# Koir Tabernacle Memeluk Misi Baru, Mengalu-alukan Penyanyi Antarabangsa

**Inisiatif ini sebahagian misi meluas Koir untuk mengilhami dan menjangkau orang ramai di seluruh dunia**

(Untuk Kegunaan Orang Bukan Islam Sahaja)

Di bandar Monterrey, Mexico timur, Georgina Montemayor Wong habiskan masa berminggu menyediakan suara untuk rakaman digital dan sesi latihan virtual dan dia gambarkan ia sebagai mimpi menjadi kenyataan.

“Ia seperti... mimpi menjadi kenyataan. Wow!” luah Montemayor Wong.

Seperti Montemayor Wong, sembilan Orang Suci Zaman Akhir yang lain di beberapa negara telah berlatih sejak Disember 2022, apabila mereka menerima berita tentang pemilihan untuk program perintis baharu yang Koir Tabernacle lancarkan di Temple Square.

Buat pertama kali dalam sejarah 175 tahun, peserta yang tinggal di luar Amerika Syarikat akan menyertai Koir semasa Persidangan Umum Tahunan ke-193 Gereja Yesus Kristus Orang Suci Zaman Akhir yang akan datang.



Thalita de Carvalho dari São Paulo, Brazil semasa latihan Koir pada hari Ahad, 19 Mac 2023, di Salt Lake Tabernacle.



Tubo-Oreriba Joseph Elisha dari Ghana dan Nigeria mengambil bahagian dalam latihan Koir di Salt Lake Tabernacle pada 19 Mac 2023. Dia ialah salah seorang daripada beberapa peserta Antarabangsa yang dijemput untuk menyanyi bersama Koir Tabernacle di Temple Square semasa Persidangan Umum Tahunan Ke-193 Gereja Yesus Kristus Orang Suci Zaman Akhir.



Chung Pei-Shan dari Taipei, Taiwan menyertai Koir Tabernacle di Temple Square untuk latihan Koir pada 19 Mac 2023. Chung Pei-Shan ialah salah seorang daripada beberapa peserta Antarabangsa yang akan menyanyi bersama Koir semasa Persidangan Umum Gereja April 2023 Yesus Kristus Orang Suci Zaman Akhir.



Sundae Mae Indino dan ahli koir membaca muzik semasa latihan Koir pada hari Ahad, 20 Mac 2023, di Salt Lake Tabernacle. Indino ialah salah seorpa daripada beberapa peserta Antarabangsa yang dipilih untuk menyanyi bersama Koir Tabernacle di Temple Square semasa Persidangan Umum Tahunan ke-193 Gereja Yesus Kristus.




Georgina Montemayor Wong tersenyum semasa penilaian vokalnya di Salt Lake Tabernacle pada 20 Mac 2023. Peserta antarabangsa dari beberapa negara akan menyanyi bersama Koir Tabernacle di Temple Square semasa persidangan umum April 2023 Gereja Yesus Kristus Orang Suci Zaman Akhir. Montemayor Wong tinggal di Monterrey, Mexico.



Sundae Mae Indino dari Cagayan, Filipina semasa penilaian vokalnya di Salt Lake Tabernacle. Gambar ini diambil pada 20 Mac 2023.



Pertama kali dalam sejarah 175 tahunnya, peserta yang tinggal di luar Amerika Syarikat akan menyertai Koir Tabernacle semasa Persidangan Umum Tahunan ke-193 Gereja Yesus Kristus Orang Suci Zaman Akhir.



Alvaro Jorge Martins dari Natal, Brazil. Alvaro menyanyikan bariton. Dia ialah seorang peguam dan graduan dari J. Reuben Clark Law School, Universiti Brigham Young. Gambar ini diambil pada 20 Mac 2023 di Salt Lake Tabernacle.



Rodrigo Domaredzky dari Curitiba, Brazil. Rodrigo menyanyikan bariton. Dia seorang arkitek dan telah menyanyi sejak zaman mudanya. Dia kini menjadi sukarelawan sebagai pakar muzik pancang untuk jemaah tempatannya. Gambar ini diambil semasa penilaian vokal pada 20 Mac 2023.



Jonathan How dari Kuala Lumpur, Malaysia. Jonathan menyanyikan tenor pertama. Dia menerima ijazah sarjana muda dalam muzik dan merupakan pengajar drum. Gambar ini diambil pada 20 Mac 2023.



Michael O. Leavitt, presiden Tabernacle Choir di Temple Square, menghadiri latihan Koir di Salt Lake Tabernacle pada 9 Mac 2023. Presiden Leavitt berkata program perintis baharu Koir adalah sebahagian daripada meluaskan misi untuk menjangkau penonton global.



Tubo-Oreiba Joseph Elisha dari Accra, Ghana menyanyikan tenor kedua. Dia bekerja sebagai pengurus pemasaran. Elisha juga seorang ahli organ yang mahir yang mengajar orang lain cara bermain. Gambar ini diambil pada 20 Mac 2023.

Saya masih tidak percaya saya akan menyanyi bersama Koir, kata Montemayor Wong. "Kami tahu ia adalah mustahil bagi kami yang tidak tinggal di sana. Jadi ia seperti mimpi yang sangat, sangat jauh, seperti tidak diimpikan."

Koir, yang terdiri daripada ahli Gereja Yesus Kristus, baru-baru ini telah meluaskan misinya untuk menjangkau penonton global, kata Presiden Koir Michael O. Leavitt, yang menggambarkan program perintis itu sebagai perkembangan semula jadi dalam pertumbuhan Koir.

“Seluruh Gereja meraikan Kristus. Kita bukan sahaja mengucapkan firman-Nya, tetapi kita menyanyikan pujian kepada-Nya,” kata Presiden Leavitt.

“Matlamat kami sekarang adalah untuk menjangkau seluruh dunia untuk membawa kedamaian dan penyembuhan. Lebih separuh daripada keahlian Gereja Yesus Kristus Orang Suci Zaman Akhir tinggal di luar Amerika Syarikat. Inilah cara kami mencerminkan keahlian itu dan cara kami boleh menggolongkan orang di seluruh dunia.”



Chung Pei-Shan dari Taipei, Taiwan mengambil bahagian dalam latihan Koir di Salt Lake Tabernacle pada 19 Mac 2023, berikutan siaran mingguan Music & the Spoken Word.

nyanyian dan cara saya untuk membalas balik adalah melalui pujian,” kata Montemayor Wong.

Seiring dengan keupayaan vokal mereka, peserta antarabangsa dikehendaki menunjukkan kemahiran dalam teori muzik dan bahasa Inggeris semasa proses pemilihan.

Disebabkan jadual latihan Koir yang ketat, ahli Koir dikehendaki tinggal dalam radius 100 batu dari Tabernacle bersejarah. Walau bagaimanapun, Leavitt berkata program perintis itu membuka pintu kepada orang lain yang mempunyai kebolehan muzik yang luar biasa untuk turut terlibat secara sementara.

“Saya fikir ia adalah sangat, sangat baik untuk semua bakat di dunia [mendapat peluang] untuk menjadi sebahagian daripada [Koir] kerana ... kita menyanyi dengan sepenuh hati dalam pancang, bahagian, [dan] dalam koir kita,” kata Elorza Avalos.

“Saya sangat gembira menggunakan bakat ini untuk memuji Tuhan. Saya tahu Dia berikan cara ini untuk saya mengekspresikan diri melalui

Mereka yang dipilih untuk menyanyi bersama Koir dalam persidangan umum yang akan datang mewakili enam negara:

- Alvaro Jorge Martins dari Natal, Brazil
- Rodrigo Domaredzky dari Curitiba, Brazil
- Thalita De Carvalho dari Sao Paulo, Brazil
- Tubo-Oreriba Joseph Elisha dari Accra, Ghana
- Jonathan How dari Kuala Lumpur, Malaysia
- Denisse Elorza Avalos dari Tijuana, Mexico
- Georgina Montemayor Wong dari Monterrey, Mexico
- Ronald Baa dari Cagayan de Oro, Filipina
- Sundae Mae Indino dari Cagayan de Oro, Filipina
- PeiShang Chung (Kylie Zhong) dari Taipei, Taiwan

Tambahan kepada penyertaan mereka, setiap ahli Koir dipanggil sebagai duta bagi Gereja Yesus Kristus, untuk berkongsi kebaikan dan iman mereka melalui muzik.

“Apabila mereka memberitahu saya ... bahawa saya akan menjadi seperti misionari untuk Koir, saya [berasa] sangat rendah hati kerana saya sentiasa mahu melayani misi,” kata Denisse Elorza Avalos dari Tijuana, Mexico.

“Sekarang ia seperti dua impian dalam satu — menjadi sebahagian daripada Koir dan melayani seperti misionari.”

Elorza Avalos berkata dia telah mengalami mukjizat dan berkat melalui proses itu, termasuk kejutan apabila mendapat tahu kakak iparnya, yang tinggal ratusan batu jauhnya, turut terpilih.

“Apabila mereka memberitahu bahawa saya dipilih dan seorang lagi dari Mexico dan ... namanya Georgina Montemayor dari Monterrey, saya seperti, ‘Apa! Itu kakak ipar saya!’ Saya berasa sangat gembira,” kata Elorza Avalos.

Montemayor Wong menjelaskan bahawa mereka diminta untuk merahsiakan uji bakat mereka jadi mereka tidak tahu tentang penyertaan yang lain sehingga mereka menerima pengumuman pemilihan mereka.



Denisse Elorza Avalos dari Tijuana, Mexico mengambil swafoto dengan ahli Koir selepas latihan Koir pada 19 Mac 2023. Beberapa peserta antarabangsa akan menyanyi bersama Koir Tabernacle di Temple Square semasa persidangan umum April 2023 Gereja Yesus Kristus Orang Suci Zaman Akhir.

"Kakak ipar saya berkata, 'Saya tidak tahu kamu juga ikut uji bakat!'... jadi dia menangis, kemudian saya menangis," kata Montemayor Wong.

Para peserta antarabangsa tiba di Salt Lake City pada hujung minggu 18–20 Mac. Mereka berpeluang untuk menyertai latihan Koir, menghadiri sekolah Koir, melawat Welfare Square Gereja dan Bishop's Central Storehouse, melawat beberapa tapak bersejarah Gereja dan melawat Temple Square.

Presiden Dallin H. Oaks dari Presidensi Utama dan isterinya, Kristen M. Oaks, turut meluangkan masa bersama peserta global. Presiden Oaks tekun mendengar semasa kumpulan itu menyanyikan dua lagu untuk dia dan Sister Oaks pada hari Jumaat, 25 Mac, di Bangunan Pejabat Gereja.

"Ia adalah satu langkah maju yang sangat penting," kata Presiden Oaks kepada peserta baharu. "Ini sesuatu yang saya harapkan selama bertahun-tahun tetapi ia sangat sukar. Anda berkorban — anda semua — untuk berada di sini."

"Orang di seluruh dunia akan berbangga bahawa Koir Tabernacle bukan sekadar Koir untuk Utah dan Salt Lake City tetapi ia adalah Koir yang mewakili seluruh dunia."



Presiden Dallin H. Oaks, dari Presidensi Utama dan isterinya, Kristen M. Oaks, meluangkan masa bersama para peserta global. Presiden dan Sister Oaks bergambar bersama kumpulan itu pada hari Jumaat, 25 Mac, di Bangunan Pejabat Gereja.

Program baharu ini juga membantu para peserta memperoleh kemahiran baharu dan meningkatkan keupayaan mereka untuk menyumbang kepada jemaah dan koir gereja tempatan mereka.

“Saya rasa mereka akan pulang sebagai pemuzik yang lebih baik dan mereka akan bawa kemahiran dan pemahaman baharu kembali ke negara mereka. Ini hanyalah satu permulaan. Kami akan belajar selangkah pada satu masa dan kami berharap ia akan berterusan,” kata Presiden Leavitt.

Para peserta antarabangsa akan menyanyi bersama Koir dalam sesi pagi Sabtu dan kedua-dua sesi Ahad persidangan umum.

### **Mengenai Peserta Antarabangsa**

Alvaro Jorge Martins dari Natal, Brazil: Alvaro menyanyikan bariton. Dia ialah seorang peguam dan graduan dari J. Reuben Clark Law School, Brigham Young University.


Rodrigo Domaredzky dari Curitiba, Brazil: Rodrigo menyanyikan bariton. Dia seorang arkitek dan telah menyanyi sejak zaman mudanya. Dia kini menjadi sukarelawan sebagai pakar muzik pancang untuk jemaah tempatannya.

Thalita De Carvalho dari Sao Paulo, Brazil: Thalita menyanyikan soprano kedua. Dia menerima ijazah sarjana muda dalam pengendalian koral. Dia menawarkan kemahiran profesionalnya sebagai konduktor koir pancang yang terdiri daripada beberapa jemaah.

Tubo-Oreriba Joseph Elisha dari Accra, Ghana: Dia menyanyikan tenor kedua dan bekerja sebagai pengurus pemasaran. Tubo-Oreriba Joseph Elisha juga seorang ahli organ yang mahir yang mengajar orang lain cara bermain.

Jonathan How dari Kuala Lumpur, Malaysia: Jonathan menyanyikan tenor kedua. Dia menerima ijazah sarjana muda dalam muzik dan merupakan pengajar drum. Dia juga sedang melanjutkan pengajian di peringkat ijazah master dalam pendidikan muzik.

Denisse Elorza Avalos dari Tijuana, Mexico: Denisse menyanyikan soprano kedua. Denisse ialah ibu kepada tiga orang anak dan menerima ijazah sarjana muda dalam bidang seni bina. Dia kini sedang bekerja ke arah ijazah sarjana muda kedua dalam persembahan vokal dengan penekanan dalam opera.



Ronald Baa dari Cagayan de Oro, Filipina mengambil bahagian dalam latihan Koir di Salt Lake Tabernacle pada 19 Mac 2023. Ronald menyanyikan tenor. Dia seorang pengajar universiti.

Pei-Shang Chung (Kylie Zhong) dari Taipei, Taiwan: Pei-Shang (Kylie) menyanyikan alto pertama. Dia menerima ijazah dalam persembahan dan pendidikan muzik dan bekerja sebagai guru muzik.

### **Mengenai Koir Tabernacle di Temple Square**

Koir Tabernacle di Temple Square telah ditubuhkan pada 22 Ogos 1847. Sejak masa itu, Koir telah menyuarakan harapan, kegembiraan, cubaan, dan kejayaan orang di seluruh dunia.

Pada November 2022, Koir melancarkan pernyataan meluaskan misi: "Koir Tabernacle di Temple Square mempersempahkan muzik yang mengilhami orang di seluruh dunia untuk mendekatkan diri kepada ilahi dan merasai kasih Tuhan untuk anak-anak-Nya."

Korus 360 ahli lelaki dan wanita ini, semuanya sukarelawan, telah membuat persembahan di pameran dan eksposisi dunia, pada pelantikan presiden A.S., di dewan konsert terkenal dari Australia dan Eropah ke Asia dan Timur Tengah, di siaran televisyen, dan kini di YouTube dan Facebook. Koir ini juga telah dirujuk sebagai "Koir Amerika," hasil standard muzik koral popularnya yang tinggi.

Georgina Montemayor Wong dari Monterrey, Mexico: Georgina menyanyikan soprano kedua. Dia mempunyai empat anak perempuan. Dia seorang guru bahasa Inggeris dan prasekolah yang sukarela sebagai pengarah muzik pancang untuk beberapa jemaah dalam komunitinya. Georgina mempunyai sarjana muda dalam pendidikan dan bahasa.

Ronald Baa dari Cagayan de Oro, Filipina: Ronald menyanyikan tenor. Dia seorang pengajar universiti.

Sundae Mae Indino dari Cagayan de Oro, Filipina: Sundae menyanyikan soprano pertama. Dia sedang bekerja untuk mendapatkan ijazah sarjana muda dalam perkahwinan dan pengkajian keluarga melalui BYU Pathways.

Mulanya dikenali sebagai Koir Mormon Tabernacle, Koir itu menukar namanya pada Oktober 2018 agar ia lebih rapat dengan organisasi penajanya, Gereja Yesus Kristus Orang Suci Zaman Akhir. Koir itu kini dipanggil "Koir Tabernacle di Temple Square."

Sejak tahun 1929, hampir sepanjang hayat radio, Koir Tabernacle telah menjadi fenomena penyiaran, dengan siaran berterusan terpanjang di siaran lansung, Muzik & Kata Berilham, yang menjangkau ribuan orang di seluruh dunia.